



阿清阿舅

阿清阿舅毋係吾親阿舅，佢係吾等个鄰舍，佢喊吾姆大姊，吾等斯喊佢阿舅。阿清阿舅係厥屋家个滿子，佢正比吾哥大五歲忒等，厥阿哥阿姊做下在外地讀書，佢也無伴好寮，阿爸阿姆無閒田事个時，佢斯會揸渡吾等，帶吾等滿山走寮。

阿清阿舅齣事當多，佢同阿哥當服佢，跔核阿清阿舅，不離時都有新奇个好搞。佢會帶吾等去拈時計果、去拗牛眼、去摘桑垂子食，還會帶吾等去收鳥竇，教吾等用竹修綳線同拗彎个大頭針來做釣枰，過帶吾等去菜園搜蟲蟪，用蟲蟪來釣魚，教吾等用幼竹做嘍嘍銃，同嘍嘍子放入幼竹笏肚，過用細樹桎同佢尖出來。嘍嘍子一射出來，斯會「嘍」一聲。莫看該嘍嘍子細細，對嘍嘍銃肚射出來，打著人還係當疾呢！

記得熱天有一擺，阿清阿舅講愛去釣魚、搞水，佢同阿哥搜好蟲蟪等佢。阿舅來咧，除了釣枰以外，厥手項還捉核兩隻青纏，講愛去河壩脣焙肉。佢同阿哥暢都奈毋得，該當時个環境，逐儕置到會分鬼捉去，三餐顧得著都真慶咧，莫講係恁泥食搞个焙肉，連想都毋敢想！共下行到河壩脣，阿舅喊吾等先去釣魚，佢在脣項先同該兩隻網著个青纏用洋刀破開來，肚搜淨、毛撈撈撇，洗淨放在石頭面，準備起火。阿舅三兩下火斯起跔來咧。佢用兩枝竹揸核青纏來焙，一下那斯鼻著臭火燂合核肉香味。吾等兩個枵豺鬼分佢餵都口涎水落落跌，顧毋著手擎釣枰還在釣魚，斯想愛咬一口焙鳥肉。該兩隻青纏肉焙去香香赤赤咧，阿舅斯當大概，一儕賞吾等一隻鳥髀。無細人尾指恁大个鳥髀，在吾等看來係一等一好食个東西，細義細義食、細口細口喫，實在還香哪！肉食撇咧，還硬硬同該隻細骨頭也吞落肚去。阿舅看吾等食撇，過再分吾等一儕一隻鳥髀，實在還暢！該當時正知圖食，毋知頭天、也無加想，一隻鳥盡有肉个位所斯係髀，阿舅同兩隻鳥个髀做下分吾等食，佢自家嘎喫無肉个骨頭，這下恁來，實在還敗勢啊！

後來，吾等還係跔在阿清阿舅屎背尾幾下年，到佢讀小學二年生，阿清阿舅去外地讀高中，斯無好日日同吾等寮咧。阿舅做兵轉來斯去學做水電，幾年後自家做頭家，生理毋會媼、賺已成錢。幾下到佢帶舖娘同兩個俵轉來老屋寮，吾等還共下泡茶、打嘴鼓。舊年八月半，阿清阿舅分一個食酒醉駛車个人撞著，戴院兩日斯過身咧！該當時，聽著恁泥个消息，實在當艱苦，目汁跔核跌落來。佢同阿哥个童年生活感謝有佢陪伴，吾等个童年回憶，斯係阿清阿舅送分吾等盡好个禮物。

作者：徐姿華

☆詞彙學習☆

【齣事】chud^ˊ sii^ˊ：花樣、把戲。

【時計果】to⁺ kied^ˊ so^ˊ：百香果。

【桑垂子】song⁺ sui^ˊ zii^ˊ：桑葢。

【嘍嘍子】bid bog^ˊ zii^ˊ：銀合歡的花苞。

【鳥髀】diao⁺ bi^ˊ：鳥的腿。

【青纏】ciang⁺ di^ˊ：綠繡眼。

【大概】tai^ˊ koi^ˊ：大方。

【洋刀】rhong^ˊ do⁺：西式小刀。

【枵豺鬼】iau⁺ sai^ˊ gui^ˊ：貪吃鬼。

【圖食】tu^ˊ shid^ˊ：貪吃而不知節制。